

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-325-2/18 od 02.03.2018.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovarač osiguranja)

i

2. **„GRAWE OSIGURANJE“ d.d. Sarajevo**, ul. Trg solidarnosti br. 2., registrovan kod Općinskog suda u Sarajevu, matični broj subjekta upisa: 65-02-0004-10 (stari broj 1-21219), identifikacijski broj kod Porezne uprave FBiH Kantonalni ured Sarajevo 4200486200000, koga zastupa *Uprava Društva* (u daljem tekstu: Osiguravatelj)

dana 05.03.2018.godine, u Sarajevu, zaključuju:

## UGOVOR O OBAVEZONOM I KASKO OSIGURANJU SLUŽBENIH VOZILA KJU „GERONTOLOŠKI CENTAR“ SARAJEVO

### OPĆE ODREDBE

#### Član 1.

Ovim Ugovorom regulišu se međusobna prava i obaveze Ugovarača osiguranja sa jedne strane i Osiguravatelja sa druge strane, u vezi sa obaveznim i kasko osiguranjem službenih vozila Ugovarača osiguranja, a sve prema zahtjevnim Ugovarača osiguranja, kao ugovornog organa broj: 12-325-1/18 od 26.02.2018.godine i Ponudi Osiguravatelja, broj: 5655/18 od 02.03.2018.godine, koji čine sastavni dio ovog Ugovora.

#### Član 2.

Osiguravatelj se obavezuje Ugovaraču osiguranja isplatiti ugovorenu sumu osiguranja za slučaj nastanka osiguranog slučaja, a Ugovarač osiguranja se obavezuje Osiguravatelju platiti ugovorenu premiju osiguranja.

### PREDMET UGOVORA

#### Član 3.

Predmet ovog Ugovora je obavezno i kasko osiguranje službenih vozila Ugovarača osiguranja tokom 2018.godine, i to:

- 1.) Obavezno osiguranje za vozila:
  - a) RENAULT KOLEOS registarske oznake A05-J-637, god. proizvodnje 2011,
  - b) ŠKODA FABIA, CLASSIC registarske oznake T97-I-647, god.proizv. 2012,
  - c) RENAULT KANGOU reg.oznake M82-K-359, god. proizvod.2007,
  - d) TOYOTA XA4 RAV4, reg.oznake O86-K-521, god.proizv. 2017,
  - e) Teretno vozilo VOLKSWAGEN CADDY, 2KN, SG-RADNO-AMBULANTNA, reg.oznake K62-A-989, god.proizv. 2016.
- 2.) Puno Kasko osiguranje bez franšize, sa uključenim rizikom krađe za vozila:
  - a) RENAULT KOLEOS registarske oznake A05-J-637, god. proizvodnje 2011.,



- b) TOYOTA XA4 RAV4, reg.oznake O86-K-521, god.proizv. 2017. i
- c) Teretno vozilo VOLKSWAGEN CADDY, 2KN, SG-RADNO-AMBULANTNA, reg.oznake K62-A-989, god.proizv. 2016.

Punim kasko osiguranjem osiguravatelj pokriva sve rizike koji mogu prouzrokovati oštećenje, uništenje ili nestanak predmeta osiguranja s tim da ugovarač osiguravanja učestvuje sa 0% franšize (učestvovanja u šteti) niti se odbija obavezna franšiza za krađu.

#### Član 4.

Po ovom Ugovoru službena vozila Ugovarača osiguranja osigurati će se po Uslovima za kasko osiguranje i Uslovima osiguranja od automobilske odgovornosti propisanim od strane Osiguravača, i primjenjivaće se one odredbe koje nisu u suprotnosti s ovim Ugovorom.

### **VRIJEDNOST UGOVORA, NAČIN I ROKOVI PLAĆANJA**

#### Član 5.

Za obavezno i kasko osiguranje vozila iz člana 3. ovog Ugovora Ugovorne strane saglasno utvrđuju ukupan iznos premije osiguranja za 2018. godinu u ukupnom iznosu od **4.965,94 KM bez PDV-a i to:**

- 1) Obavezno osiguranje za vozila:
  - a) **420,25 KM** za RENAULT KOLEOS registarske oznake A05-J-637, god. proizvodnje 2011,
  - b) **202,75 KM** za ŠKODA FABIA, CLASSIC registarske oznake T97-T-647, god. proizvodnje 2012,
  - c) **261,25 KM** za RENAULT KANGOU registarske oznake M82-K-359, god. proizvodnje 2007,
  - f) **420,25 KM** za TOYOTA XA4 RAV4, reg.oznake O86-K-521, god.proizv. 2017,
  - d) **466,75 KM** za Teretno vozilo VOLKSWAGEN CADDY, 2KN, SG-RADNO-AMBULANTNA, reg.oznake K62-A-989, god.proizv. 2016.
- 2) Puno Kasko osiguranje:
  - a) **1.102,00 KM** za vozilo RENAULT KOLEOS registarske oznake A05-J-637, god. proizvodnje 2011,
  - b) **1.398,99 KM** za TOYOTA XA4 RAV4, reg.oznake O86-K-521, god.proizv. 2017,
  - c) **694,95 KM** za Teretno vozilo VOLKSWAGEN CADDY, 2KN, SG-RADNO-AMBULANTNA, reg.oznake K62-A-989, god.proizv. 2016.

#### Član 6.

Ugovarač osiguranja se obavezuje da će plaćanje ugovorenog iznosa premije obaveznog i kasko osiguranja iz člana 5. ovog Ugovora izvršiti jednokratno, pojedinačno za svako vozilo, po zaključenju Ugovora i to po dostavljenim predračunima.

Plaćanje će se izvršiti na račun Osiguravatelja broj: **3387202238251917, otvoren kod UniCredit Bank d.d.**

#### Član 7.

Ovaj Ugovor se primjenjuje za 2018.godinu.

Osiguravač se obavezuje da se ukupna premija za obavezno i kasko osiguranje za vozila iz člana 5. ovog Ugovora, u iznosu od **4.965,94 KM bez PDV-a**, neće mijenjati u periodu za koji se zaključuje Ugovor o osiguranju.

Ukoliko Osiguravatelj izmijeni uslove za osiguranje, dužan je obavijestiti Ugovarača osiguranja u roku od 7 dana od dana nastanka promjene.



## **PRIJAVLJIVANJE ŠTETE**

### **Član 8.**

Kad nastane osigurani slučaj na osnovu kojeg se traži naknada iz osiguranja, Ugovarač osiguranja je dužan postupiti na sljedeći način:

1. Odmah preduzeti sve što je u njegovoj moći da se ograniče njegove štetne posljedice i pri tome se pridržavati uputa koje mu je dao Osiguravatelj ili njegov predstavnik,
2. Odmah telefonom, faksom ili na drugi način obavijestiti Osiguravatelja o nastupanju osiguranog slučaja, a najdalje u roku od tri dana.
3. Što prije, a najduže u roku od tri dana, pismeno potvrditi prijavu nastupanja osiguranog slučaja.
4. Nadležnom organu unutrašnjih poslova odmah prijaviti nastupanje osiguranog slučaja, sa svim podacima o osiguranom slučaju.

## **RJEŠAVANJE ŠTETE**

### **Član 9.**

Osiguravatelj je obavezan Ugovaraču osiguranja isplatiti naknadu iz osiguranja za štetu prouzrokovanu nastankom osiguranog slučaja po odredbama Uslova za osiguranje za koje je zaključen ugovor o osiguranju.

Kad primi prijavu o nastalom osiguranom slučaju Osiguravatelj je dužan odmah, a najkasnije u roku od 3 dana pristupiti utvrđivanju i procjeni štete uz uslov da se prethodno komisijски utvrdi uzrok nastanka osiguranog slučaja i obim oštećenja.

Štetu utvrđuju i procjenjuju zajedno Osiguravatelj i Ugovarač osiguranja, odnosno njihovi ovlašteni predstavnici.

Ugovarač osiguranja može i prije isteka roka od tri dana početi otklanjanje štete ako je to potrebno radi normalizacije stanja.

### **Član 10.**

U slučaju da se Ugovarač osiguranja i Osiguravatelj ne usaglasе pri utvrđivanju i procjeni nastale štete, svaka od ugovornih strana može zatražiti da štetu utvrde stručna lica (vještaci odgovarajuće struke).

## **ISPLATA NAKNADE - PLAĆANJE ŠTETE**

### **Član 11.**

Kada se dogodi osigurani slučaj Osiguravatelj je dužan Ugovaraču osiguranja odmah po izvršenom uvidaju i po kompletiranju dokumentacije, isplatiti naknadu u visini utvrđene i procijenjene štete, obostrano usaglašene, a najkasnije u roku od 14 (četnaest) dana.

Ako je za utvrđivanje postojanja obaveze Osiguravatelja ili njenog iznosa potrebno izvjesno vrijeme, rok za isplatu naknade počinje teći od dana kada je utvrđeno postojanje njegove obaveze i njen iznos.

Ako iznos obaveze Osiguravateljane bude utvrđen u roku određenom u prvom stavu ovog člana Osiguravatelj je dužan na zahtjev Ugovarača osiguranja isplatiti mu iznos nespornog dijela svoje obaveze na ime predujma.

## **USLOVI OSIGURANJA**

### **Član 12.**

Sastavni dio ovog ugovora su propisani Uslovi Osiguravatelja za osiguranje, polica osiguranja i zelena karta.



## ZAVRŠNE ODREDBE

### Član 13.

Ugovorne strane se obavezuju da obavijeste drugu ugovornu stranu o svim statusnim promjenama, dostavljanjem odgovarajuće dokumentacije u roku od osam dana od dana upisa u nadležni registar.

### Član 14.

Za sve odnose koji nisu regulisani ovim Ugovorom, primjenjivaće se Zakon o obligacionim odnosima.

### Član 15.

Ugovorne strane se obavezuju na pridržavanje zakonskih i podzakonskih propisa, kao i čuvanje poslovne tajnosti i pridržavanje poslovnih običaja.

### Član 16.

Izmjene i dopune ovog Ugovora, osim suštinskih elemenata koji se odnose na iznos premije i period trajanja, mogu se vršiti u pismenoj formi, uz saglasnost ugovornih strana.

### Član 17.

Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.  
Ovaj Ugovor se smatra raskinutim prijemom pismenog obavještenja o raskidu istog.

### Član 18.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

### Član 19.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

OSIGURAVATELJ



Broj:

735/18

Datum:

20.3.2018.

UGOVARAČ OSIGURANJA  
DIREKTOR



Broj: 12-325-3/18

Datum: 05.03.2018.godine